

Bon bini

Na biblioteca por lesa buki, revista of corant, consulta enciclopedia y otro material di referencia cuanto cu bo ta desea. E servicio aki ta completamente gratis. Na momento cu bo persona ta desea di fia material, bo ta bira miembro. Tin un biblioteca na Oranjestad y tin un sucursal na San Nicolas. Dept. Arubiana/Caribiana ta warda e Coleccion Nacional. Aki ta posibel pa consulta material, saca copia pero no por fia buki.

Miembrecia

Pa bira miembro y tambe pa renoba miembrecia ta pidi pa trece un identificacion valido (paspoort, rijbewijs of cedula). Pa mucha te 18 aña ta pidi pa e mayor of voogd bin cu su identificacion y e carchi AZV di e mucha of hoben. Miembrecia ta valido pa un aña.

0 te cu 11 aña

Mucha	3 buki	Gratis
Mucha 2	6 buki	Gratis

12 te cu 17 aña

Hoben	4 buki	Gratis
Hoben 2	8 buki	Gratis

18 aña pariba

Adulto	4 buki	Awg. 5.00
Adulto 2	8 buki	Awg. 10.00
Adulto 3	12 buki	Awg. 15.00

Miembrecia special

Adulto y Mucha	Awg.
4 buki adulto, 3 buki mucha	
Adulto 2 y Mucha	Awg.
8 buki adulto, 3 buki mucha	
Adulto 3 y Mucha	Awg.
12 buki adulto, 3 buki mucha	

Turista y stagiaires ta deposita un suma di Afl. 100,- of US\$ 50 si nan kier bira miembro pa un periodo cortico. Biblioteca ta debolbe e suma aki despues cu tur material a keda entrega.

Carchi di miembrecia

Cada miembro ta keda responsabel pa su carchi. Si a perde e carchi di miembrecia por fabor pone biblioteca na altura.

Pa reemplaza e carchi, ta cobra:

Adulto	Awg. 15,00
Mucha y hoben	Awg. 10,00

Sin carchi no por fia material di biblioteca. Por fabor, sea asina bon di avisa biblioteca ora cu tin algun cambio den informacion di e miembro, manera adres, telefon etc. Por fabor no presta otro hende e carchi di miembrecia, responsabilidad ta keda cerca doño di e carchi.

Periodo di prestamo

E miembro por fia e material di biblioteca pa cuatro (4) siman.

Prolonga

Si ta desea por prolonga fecha di entrega di material maximal dos (2) biaha, personalmente of via telefon of email.

Ta pidi pa haci esaki na tempo. Si e buki ta reserva, no ta posibel pa prolonga e fecha.

Por fabor yama :

528 1500 (Playa) of

528 1586 (San Nicolas)

Boet

Miembro di 0 te cu 17 aña no ta paga boet. Biblioteca ta cobra e miembro boet pa material/buki cu e no a entrega na tempo. Esaki ta Awg. 0,25 pa buki pa dia. E suma maximo ta Awg. 10,00 pa cada buki. Dianan cu biblioteca ta sera no ta conta.

Pago di material

Biblioteca ta cobra den caso cu a perde of dañá material/buki. Ta cobra e prijs cu biblioteca a paga pa e material/ buki.

Reservacion

Ta posibel pa reserva buki. Reserva buki ta un servicio gratis. Asina cu e buki drenta nos ta yama e miembro pa pasa busca e buki cu e mester.

Por acudi na informacion pa cualkier pregunta. Cu mucho gusto nos ta duna recorrido na mucha y adulto.

Copycenter

Por saca copia preto/blanco y copia di color. Prijs ta Awg. 0,25 /A4 pa preto/blanco y Awg. 1,00 /A4 pa color. Na sucursal San Nicolas y na Dept. Arubiana/Caribiana tambe tin mashin di copia disponibel pa publico uza.

Centro di Informacion Digital (CID)

Tur hende por haci uzo di computer cu Internet pa busca informacion. E prome ora ta gratis, despues ta cobra Awg. 1,00 pa cada mey ora. Ta pidi un identificacion pa e servicio aki. Pa saca un print ta cobra Awg. 0,25 /A4 pa preto/blanco y Awg. 1,00 /A4 pa color. Biblioteca ta ofrece WIFI gratis.

Sala di Estudio / Sala Diamante

Den sala di estudio por lesa/consulta revista, enciclopedia y otro material di referencia. Usuarionan por studia of traha aki.

Actividad pa mucha

Tur siman tin actividad pa mucha di 4-12 aña na biblioteca central y tambe na sucursal San Nicolas. Por favor bishita nos website of Facebook pa mas informacion. Otro actividadnan pa promocion di lesamento ta e Plan Vacacional di Lesamento durante vakantie grandi y e Festival di Buki pa Mucha na november.

Huur di sala den biblioteca

Pa instancianan, organisacionan y personanan individual tin posibilidad pa huur lugar den biblioteca pa exposicion, actividad, charla, reuni6n, etc. Pa mas informacion por tuma contacto cu secretariaat durante orario di oficina. Huur ta pa organizacion/ actividad cu meta no-comercial.

Orario

Biblioteca Nacional Aruba, Oranjestad

Dialuna:	8 am – 7 pm
Diamars:	8 am – 5 pm
Diaranson:	8 am – 7 pm
Diahuebs:	8 am – 5 pm
Diabierna:	8 am – 5 pm

San Nicolas

Dialuna:	8 am – 5 pm
Diamars:	1 pm – 7 pm
Diaranson:	8 am – 5 pm
Diahuebs:	1 pm – 7 pm
Diabierna:	8 am – 5 pm



**Biblioteca
Nacional Aruba**

Biblioteca Nacional Aruba

George Madurostraat 13, Oranjestad
tel: +297 528 1500

Sucursal San Nicolas

Peter Stuyvesantstraat 16, San Nicolas
tel: +297 528 1500

www.bibliotecanacional.aw
info@bibliotecanacional.aw

Dept. Arubiana/Caribiana (Coleccion nacional)

Bachstraat 5, Oranjestad
tel: +297 528 1500

Plataforma digital

bibliotecanacional.aw/digital
digital@bibliotecanacional.aw